

HIERONYMUS.

EΥΣΕΒΙΟΣ.

EUSEBIUS.

ENNOM VALLIS. Vide suprā BENENNON.

ENON. Vide ENAN.

ENSEMES, quæ vox idem est quod *fons Solis*, ut versio nostra explicat, Jos. xviii. vs. 17. cujus itidem fit mentio, Jos. xv. vs. 7. ubi nomen Hebræum reticetur. Erat autem hic fons in communibus terminis tribus Judæ & Benjamin, ad Orientem urbis Hierosolymitanæ.

EPHA, regionis nomen juxta Madianitidem in Arabia, Isaia l. x. vs. 6. sic appellata à nepote Abraham ex Cetura: Abrahami enim filius fuit Madian, filius Madian Epha, Gen. xxv. vs. 2, 4. & 1 Paral. i. vs. 32, 33.

EPHER vel OPHER, terra in tribu Zabulon juxta Sephorim, seu Diocæsaream, ut testatur Hieronymus proœmio in Jonam prophetam, qua de re & nos pluribus, 3 Reg. iv. vs. 10. dicemus. Inter reges à Josue interfectos legimus regem *Opher*, Jos. xii. vs. 17.

EPHESUS, Ioniæ regionis in Asia Minori urbs nobilis, Dianæque templo uno è septem mundi miraculis olim celebris; multo illustrior D. Pauli, D. Joannis Evangelistæ, & ut creditur, B. Virginis in ea diuturniore commoratione. In hac Timotheus Pauli discipulus fuit Episcopus.

EPHRA, Gedeonis patria in dimidia tribu Manasse Cis-Jordanina; versus quam urbem etiam legimus Philisthæos palabundos excurrissè, 1 Reg. xiii. vs. 17. Vide quæ nos ad eum locum dicemus.

¹ EPHRAIM, juxta desertum, ad quam venit Dominus Jesus cum discipulis. Diximus & de hac sub Ephron vocabulo.

Εφραϊμ, ἐγγὺς τῆς ἐρήμου, ἐν ᾗ ἦλθεν ὁ Χριστὸς μετὰ τῶν μαθητῶν. καίται καὶ ἀνωτέρω Εφρών.

EPHRAIM, juxta desertum, quo venit Christus cum discipulis. Extat & superius Ephron.

² EPHRATA, regio Bethleem civitatis David, in qua natus est Christus. Est autem in tribu Juda, licet plerique male existiment in tribu Benjamin, juxta viam ubi sepulta est Rachel, quinto milliario ab Hierusalem, in eo loco, qui à Septuaginta vocatur Hippodromus. Legimus Ephratam in Paralipomenon libro.

Εφραθὰ, χώρα Βηθλεὲμ τῆς πόλεως Δαβὶδ, ἐφ' ἧς ὁ Χριστὸς ἐγεννήθη, φυλῆς Βενιαμὴν, ἧς πρὸς τῇ ὁδῷ ἔθαψαν τὴν Ραχὴλ ἀπὸ σημείων δ' τῆς Γεβσαλὴμ, ἐν τῷ καλεμένῳ Ἰσπιδρόμῳ. δέκνυνται τὸ μνημα εἰς ἑτὶ νῦν καὶ ὁ πατὴρ τοῦ Βηθλεὲμ ἐκαλεῖτο Εφραθὰ, ὡς ἐν παραλειπομένοις.

EPHRATHA, regio Bethleem civitatis David, in qua Christus natus est, tribus Benjamin, ubi juxta viam sepelierunt Rachel in quarto milliario à Hierusalem, in loco qui vocatur Hippodromus. Monstratur usque hodie sepulchrum. Et pater Bethleem vocabatur Ephrata ut (legimus) in Paralipomenis.

EPHREM. Vide paulò antè EPHRAIM.

³ EPHRON, in tribu Juda. Est & villa prægrandis Ephraa nomine contra Septemtrionem in vicesimo ab Ælia milliario.

Εφρών, φυλῆς Ἰούδα, καὶ ἐστὶ νῦν κώμη Εφραϊμ μεγίστη περὶ τὰ ὅρια Αἰλίας ὡς ἀπὸ σημείων ἡ.

EPHRON, tribus Juda, estque modò vicus Ephrem maximus circa fines Æliæ in octavo ferme milliario.

⁴ EREB, in tribu Juda: est hodieque villa in Daroma, id est, ad Austrum, quæ Heromith nuncupatur.

Ερέμθα, ἐστὶ νῦν κώμη ἐν τῷ Δαρῳμῷ: καὶ ἐστὶν ἐν τῇ Γαλιλαίᾳ τῶν Εἰθῶν Κάδες, κλήγας Νεφθαλεὺμ, πόλις ἱερατικὴ τὸ πρῖν.

EREMINTHA, adhuc modo vicus in Daroma; estque & in Galilæa gentium Cades fortis Nephthali, civitas olim sacerdotalis.

⁵ ERECCON, terminus tribus Dan juxta Joppen.

Ἡρέκκων, ὅριον φυλῆς Δαν πλησίον Ἰόππης.

ERECCON, terminus tribus Dan juxta Joppen.

⁶ EREMMON, vicus Judæorum prægrandis in decimo sexto ab Eleutheropoli milliario contra meridiem in Daroma.

Ερέμμων, κώμη Γεδαύων μεγίστη ἀπὸ 15' σημείων Ελευθεροπόλεως.

EREMBON, vicus Judæorum maximus (distans) Eleutheropolise decem milliariibus.

N O T A.

1. Ephrem in versione nostra appellatur, Joannis Cap. ii. v. 54. ubi dicitur esse civitas in regione juxta desertum: sed cum neque quæ regio, neque quod desertum illud sit explicetur, neque alibi usquam ejus urbis fiat mentio, necesse est obscurum remanere ubinam fuerit sita illa civitas; nisi quod non videatur procul abfuisse Hierosolyma. Erant autem non procul Hierosolyma plura deserta; ad meridiem erat Thecue, paulo magis versus Orientem erat solitudo Maon, ad Orientem erant desertum Engaddi, & solitudo Jericho; nonnihil ad Boream erat solitudo Bethaven; ut difficile sit ex his eligere quod cæteris præferas. Eusebius hic urbem hanc confundit cum Ephron. Ephron autem ipse paulò post constituit in tribu Juda. Adrichomius duas hasce urbes distinguit, & utramque ponit in tribu Ephraim. Ego in re obscura magis inclino, ut desertum hoc statuatur desertum Jericho, in eodemque tractu urbs Ephrem: id enim desertum Hierosolymæ & Bethania erat proximum, & in eadem tribu Benjamin cum Hierosolyma & Bethania: hinc & David Absalonem fugiens ad idem desertum pro latebris profugit, 2 Reg. 15. v. 23. ubi & absolute desertum appellatur. BONFRERIUS.

2. Ephrata non tam regio est, quàm ipsamet urbs Bethleem; ita enim Scriptura non uno loco asserit Ephratam esse ipsam Bethleem, Gen. 35. v. 19. & Cap. 48. v. 7. sic & Ruth. 4. v. 11. & Michæ 5. v. 2. tamquam synonyma ponuntur Bethleem & Ephrata. Eam Hieronymus hic in quinto, Eusebius vero in quarto ponit ab Hierusalem milliario, supra autem in Bethleem ambo eam in sexto ponunt. Significat Ephrata,

ubertatem. Quod autem hic dicitur de Hippodromo consule ea, quæ nos diximus pro explicatione Septuaginta Interpretum, Gen. 35. v. 16. ubi rem hanc longè aliter interpretamur. IDEM.

3. Nullam in tribu Juda legimus Ephron urbem, sed bene in ea juxta Hebron legimus agrum Ephron, Gen. 23. 25. 49. Verum ibi Ephron non loci, sed viri nomen est, à quo Abraham agrum illum emit, estque Ephron in illis locis genitivi casus. Legimus & Ephron montis nomen in confiniis tribus Judæ & Benjamin, Jos. 15. v. 9. quamquam & ibi Ephron fortè viri nomen sit, à quo monti nomen adhæserit. Præter hæc verò loca geminam urbem legimus Ephron appellatam, unam in tribu Ephraim, 2 Paral. 13. v. 19. alteram in Galaaditide trans Jordanem, cujus fit mentio 1 Machab. 5. v. 46. & 2 Machab. 12. v. 27. quam & à variis gentibus habitaram Judas Machabæus expugnavit. Videtur autem fuisse à parte Australi torrentis Jaboc, quandoquidem è regione Septemtrionali trans torrentem cum suis Machabæus veniret, & mox inde ad Scythopolitas pervenerint. IDEM.

4. Hæc in versione nostra Arab nuncupatur, Jos. 15. v. 52. Sed quæ affinitas Heromith cum Ereb? fortè id vult seu Eusebius seu Hieronymus eam suo tempore etiam posterius hoc nomen habuisse. IDEM.

5. Hæc in versione nostra Arecon appellatur, Jos. 19. v. 46. IDEM.

6. Hæc omnino videtur illa, quæ Jos. 15. v. 32. Remmon appellatur. IDEM.

7. Totum illud de Cades aliunde huc translaturum est, neque ad illam vocem pertinet. IDEM.

1. Hæc